



Broj: 05/7-39-1-158-73/21

Sarajevo, 7. 7. 2021.

Z A P I S N I K

73. sjednice Vijeća nacionalnih manjina BiH, održane 5. 7. 2021.

Sjednica Vijeća nacionalnih manjina BiH počela je u 17 sati.

Sjednici su prisustvovali: Andrija Svatok, predsjedavajući, Tihomir Knežiček, Jovanka Manzalović-Šalaka, Velibor Kuvač, Dragan Marković, Todorka Jovanović, Silvija Vujović, Hakan Varan, Eva Pašić-Juhas, Mladen Radmilović, Halil Bicaj, Tijana Vučurević, Dejan Piotrovski, Vjeročka Gajić, Davor Ebner, Marija Grbić i Nedžad Jusić.

Sjednici, iz opravdanih razloga, nije prisustvovao Jakob Finci.

Sjednici su, također, prisustvovali: Vehid Šchić iz Koalicije 'Pod lupom' i Aida Kreho, sekretarka Zajedničke komisije za ljudska prava.

Sjednica je imala sljedeći

D N E V N I R E D

1. Usvajanje Zapisnika 72. sjednice Vijeća nacionalnih manjina BiH;
2. Razmatranje Prijedloga izmjena/dopuna Izbornog zakona Bosne i Hercegovine, uz uvodna izlaganja Derve Sejdića i Vehida Šehića;
3. Tekuća pitanja.

Dnevni red je jednoglasno usvojen.

Ad. 1. Usvajanje Zapisnika 72. sjednice Vijeća nacionalnih manjina BiH

Predsjedavajući Vijeća nacionalnih manjina BiH otvorio je raspravu o ovoj tački dnevnog reda. S obzirom na to da nije bilo rasprave, pristupilo se glasanju, te je Zapisnik jednoglasno usvojen.

Ad. 2. Razmatranje Prijedloga izmjena/dopuna Izbornog zakona Bosne i Hercegovine, uz uvodna izlaganja Derve Sejdića i Vehida Šehića

Predsjedavajući je dao uvodne napomene u vezi s prijedlogom izmjena Izbornog zakona BiH koje je ranije predlagalo Vijeće nacionalnih manjina. Riječ je, zatim, dao Vehidu Šehiću koji je članove Vijeća nacionalnih manjina BiH upoznao s preporukama Koalicije 'Pod lupom' upućenim Interresornoj radnoj grupi za izmjene izbornog zakonodavstva BiH, te prvenstveno s različitim modelima za unapređenje i modernizaciju izbornog procesa i provođenje presuda Evropskog suda za ljudska prava, koji su ponuđeni u navedenim preporukama. U raspravi su učestvovali Andrija Svatok, Velibor Kuvač, Dragan Marković i Tihomir Knežiček. Po okončanju rasprave, zaključeno je da će Vijeće nacionalnih manjina, na osnovu preporuka Koalicije 'Pod lupom' – a koje će biti dostavljene Vijeću, definirati svoje prijedloge i dostaviti ih Interresornoj radnoj grupi na razmatranje.

Ad. 3. Tekuća pitanja

Rasprave o ovoj tački dnevnog reda nije bilo.

Sjednica je završena u 18.30 sati.

**Sekretarka Zajedničke komisije
za ljudska prava
Aida Kreho**

**Predsjedavajući
Vijeća nacionalnih manjina BiH
Andrija Svatok**